

**სსიპ-იგანე ჯავახიშვილის სახელობის თბილისის სახელმწიფო უნივერსიტეტის
კულტურის და სპორტის დეპარტამენტის დებულება**

მუხლი 1. ზოგადი დებულებანი

1. სსიპ - იგანე ჯავახიშვილის სახელობის თბილისის სახელმწიფო უნივერსიტეტის (შემდგომში – „უნივერსიტეტი“) კულტურის და სპორტის დეპარტამენტი (შემდგომში - „დეპარტამენტი“) წარმოადგენს უნივერსიტეტის აღმინისტრაციის სტრუქტურულ ერთეულს.

2. დეპარტამენტი თავის საქმიანობაში ხელმძღვანელობს საქართველოს კანონმდებლობით, უნივერსიტეტის სამართლებრივი აქტებითა და წინამდებარე დებულებით.

3. დეპარტამენტი თავისი კომპეტენციის ფარგლებში ანგარიშვალდებულია უნივერსიტეტის რექტორისა და აღმინისტრაციის ხელმძღვანელის წინაშე, ასრულებს რექტორის და აღმინისტრაციის ხელმძღვანელის მიერ დაკისრებულ მოვალეობებს.

მუხლი 2. დეპარტამენტის საქმიანობის სფერო, ძირითადი ამოცანები და ფუნქციები

1. დეპარტამენტი ხელმძღვანელობს და ახორციელებს უნივერსიტეტში კულტურისა და სპორტის სფეროსთან დაკავშირებულ საუნივერსიტეტო საქმიანობას.

2. დეპარტამენტის ფუნქციები და ამოცანებია:

ა) უნივერსიტეტში კულტურულ-შემოქმედებითი, სასწავლო-სახელოვნებო მრავალსპექტრიანი საქმიანობა, საუნივერსიტეტო შემოქმედებითი მოღვაწეობის პოპულარიზაცია და ამასთან დაკავშირებული განვითარების ერთიანი კულტურული პოლიტიკის შემუშავება;

ბ) სტუდენტებისა და პერსონალის შემოქმედებით საქმიანობაში ჩაბმაზე ზრუნვა მათი ნიჭისა და სურვილის გათვალისწინებით;

გ) თანამედროვე მოთხოვნათა შესაბამისი შემოქმედებითი კონტაქტების დამყარება, უნივერსიტეტის სტუდენტების პარმონიული განვითარებისა და სახელოვნებო სივრცეში მათი მოზიდვის ხელშეწყობის მიზნით;

დ) უნივერსიტეტის სხვადასხვა ეროვნების სტუდენტების ჩართვა კულტურულ დონისძიებებში;

ე) ქართული ხალხური ფოლკლორის პოპულარიზაციაზე ზრუნვა;

ვ) საუნივერსიტეტო სპორტის განვითარება, სპორტის პოპულარიზაცია, სპორტული ღონისძიებების, უნივერსიადების ორგანიზება სტუდენტებსა და უნივერსიტეტის თანამშრომლებში ცხოვრების ჯანსაღი წესის დასამკვიდრებლად;

ზ) სპორტულ ღონისძიებებში სტუდენტ-სპორტსმენთა მოზიდვა და ნიჭიერი სტუდენტების გამოვლენა, მათთვის ხელშეწყობა მსოფლიო და ქვეყნის მასშტაბით უნივერსიადებში მონაწილეობის მისაღებად უნივერსიტეტის სახელით;

თ) გამაჯანსაღებელი და სპორტული ღონისძიებების მომზადება, სპორტული ბაზებისა და ინვენტარის მოწესრიგება;

ი) უნივერსიტეტის პრიორიტეტული სპორტის სახელის, კალათბურთის გუნდის საქმიანობისათვის ხელშეწყობა;

კ) მაღალკვალიფიციური სპორტსმენებისათვის სპონსორების მოძიება და მათთვის მაქსიმალური ხელშეწყობა.

მუხლი 3. დეპარტამენტის სტრუქტურა და ხელმძღვანელობა

1. დეპარტამენტი წარმოადგენს უნივერსიტეტის ადმინისტრაციის სტრუქტურულ ერთეულს, რომელსაც ხელმძღვანელობს დეპარტამენტის უფროსი. დეპარტამენტის შემადგენლობაში ერთაინდება განყოფილებები.

2. დეპარტების უფროსს თანამდებობაზე ნიშნავს და ათავისუფლებს ადმინისტრაციის ხელმძღვანელი, რექტორთან შეთანხმებით.

3. დეპარტამენტის უფროსს ჰყავს მოადგილე, რომელიც დეპარტამენტის უფროსის დროებით არყოფნის (შეებულება, მივლინება, ავადმყოფობა, დროებით – 2 დღეზე მეტი ვადით არყოფნა), აგრეთვე დეპარტამენტის უფროსის დავალების შემთხვევაში, ასრულებს დეპარტამენტის უფროსის მოვალეობას.

4. დეპარტამენტის უფროსის მოადგილესა და თანამშრომლებს თანამდებობაზე ნიშნავს და ათავისუფლებს უნივერსიტეტის ადმინისტრაციის ხელმძღვანელი დეპარტამენტის უფროსის წარდგინებით.

5. დეპარტამენტის უფროსი:

ა) ხელმძღვანელობს და წარმართავს დეპარტამენტის საქმიანობას;

ბ) წარმოადგენს დეპარტამენტს დაკისრებული უფლება–მოვალეობების განხორციელებისას და პასუხისმგებელია დეპარტამენტზე დაკისრებული ფუნქციებისა და ამოცანების შესრულებაზე;

გ) ანაწილებს მოვალეობებს დეპარტამენტის თანამშრომლებს შორის, ადმინისტრაციის ხელმძღვანელის მიერ დამტკიცებული თანამდებობრივი ინსტრუქციის შესაბამისად, აძლევს მათ მითითებებსა და დავალებებს;

დ) ხელს აწერს დეპარტამენტში მომზადებულ დოკუმენტებს და თავისი კომპეტენციის ფარგლებში ახდენს უნივერსიტეტის სტრუქტურული ერთეულების მიერ შემუშავებულ სამართლებრივი აქტების პროექტების ვიზიონებას;

ე) წარადგენს ანგარიშს დეპარტამენტის მიერ გაწეული საქმიანობის შესახებ ყოველწლიურად, აგრეთვე ნებისმიერ დროს უნივერსიტეტის რექტორის და უნივერსიტეტის ადმინისტრაციის ხელმძღვანელის დავალებით;

ვ) ორგანიზებას უწევს ამ დებულებით დეპარტამენტისათვის დაკისრებული ფუნქციების შესრულებას, რისთვისაც წარუდგენს უნივერსიტეტის რექტორს და უნივერსიტეტის ადმინისტრაციის ხელმძღვანელს წინადადებებს ცალკეული საკითხების მოწესრიგებისა და გადაწყვეტის მიზნით;

ზ) წარუდგენს უნივერსიტეტის ადმინისტრაციის ხელმძღვანელს წინადადებებს დეპარტამენტის შიდა სტრუქტურის, შტატების, მუშაობის ორგანიზაციის, დეპარტამენტის თანამშრომლების წახალისების ან დისციპლინური პასუხისმგებლობის დაკისრების შესახებ;

თ) შუამდგომლობს იმ სახსრების, მოწყობილობებისა და ინვენტარის გამოყოფაზე, რაც აუცილებელია დეპარტამენტის წინაშე მდგარი ფუნქციებისა და ამოცანების შესასრულებლად;

ი) პერიოდულად ისმენს დეპარტამენტის თანამშრომლების ანგარიშს მათ მიერ გაწეული მუშაობის შესახებ;

კ) შუამდგომლობს დეპარტამენტის თანამშრომელთა კვალიფიკაციის ამაღლებისა და გადამზადების თაობაზე;

მ) ახორციელებს ამ დებულებით, უნივერსიტეტის სამართლებრივი აქტებითა და საქართველოს კანონმდებლობით განსაზღვრულ სხვა ფუნქციებსა და დავალებებს თავისი კომპეტენციის ფარგლებში.

6. დეპარტამენტის საშტატო განრიგით განსაზღვრული თანამდებობებია: დეპარტემენტის უფროსი, დეპარტამენტის უფროსის მოადგილე, განყოფილების უფროსი, მთავარი სპეციალისტი, უფროსი სპეციალისტი.

7. დეპარტამენტის ქვემდებარეობაში შედის სხვადასხვა სპორტული სახეობის გუნდები და კლუბები, რომელთა შემადგენლობა მტკიცდება ადმინისტრაციის ხელმძღვანელის სამართლებრივი აქტით დეპარტამენტის წერილობითი წარდგინების საფუძველზე.

8. დეპარტამენტის ქვემდებარეობაში შედის სხვადასხვა მიმართულების მუსიკალური ანსამბლები და შემოქმედებითი ჯგუფები, რომელთა წევრების შემადგენლობა მტკიცდება ადმინისტრაციის ხელმძღვანელის სამართლებრივი აქტით დეპარტემენტის წერილობითი წარდგინების საფუძველზე.

9. სპორტული გუნდების, კლუბების, მუსიკალური ანსამბლებისა და შემოქმედებითი ჯგუფების საქმიანობის დაფინანსება შესაძლებელია განხორციელდეს უნივერსიტეტის ბიუჯეტის შესაბამისი მუხლიდან (მუხლებიდან) მოქმედი კანონმდებლობით დადგენილი წესით.

10. სპორტული გუნდების, კლუბების, მუსიკალური ანსამბლებისა და შემოქმედებითი ჯგუფების წევრებთან/შემადგენლობასთან შესაბამისი კონტრაქტების გაფორმების უზრუნველყოფას ახდენს უნივერსიტეტის პერსონალის მართვის დეპარტამენტი უნივერსიტეტის კულტურის და სპორტის დეპარტამენტის წერილობითი წარდგინების საფუძველზე.

მუხლი 4. დეპარტამენტის უფროსის მოადგილე დეპარტამენტის უფროსის მოადგილე თავისი კომპეტენციის ფარგლებში

ა) ხელს უწყობს დეპარტამენტის უფროსს მასზე დაკისრებული მოვალეობის განხორციელების და გეგმვა - კოორდინაციაში და ორგანიზაციაში;

ბ) მონაწილეობს დეპარტამენტში შემოსული მასალების განაწილებაში;

გ) დეპარტამენტის საქმიანობასთან დაკავშირებით ასრულებს ადმინისტრაციის ხელმძღვანელის, რექტორის, დეპარტამენტის უფროსის უშუალო დავალებებს;

დ) ადმინისტრაციის ხელმძღვანელის, რექტორის, დეპარტამენტის უფროსის დავალებით ახორციელებს სხვა უფლებამოვალეობებს.

მუხლი 5. სპორტის განყოფილება

1. უზრუნველყოფს უნივერსიტეტში სპორტული საქმიანობის წარმართვას;

2. უზრუნველყოფს უნივერსიტეტში სპორტული სექციების შექმნას;

3. უზრუნველყოფს სპორტის პოპულარიზაციას სტუდენტთა შორის და მათ ჩართვას სპორტულ ცხოვრებაში;

4. პოპულარიზაციას უწევს ჯანსაღი ცხოვრების წესს;

5. აყალიბებს სტუდენტურ ნაკრებ გუნდებს და უზრუნველყოფს მათ მომზადებას საერთაშორისო და ქვეყნის მასშტაბით გამართულ სტუდენტურ წემპიონატებსა და უნივერსიადებზე.

მუხლი 6. კულტურის განყოფილება

1. უზრუნველყოფს უნივერსიტეტში კულტურული ცხოვრების წარმართვას;

2. უზრუნველყოფს უნივერსიტეტში კულტურულ-შემოქმედებითი სექციების ჩამოყალიბებასა და მათში სტუდენტთა ჩართულობას;

3. ხელს უწყობს უნივერსიტეტის კულტურულ-შემოქმედებითი ანსამბლების შექმნას და უზრუნველყოფს მათ მომზადებას სხვადასხვა შემოქმედებით ფესტივალზე მონაწილეობისათვის;

4. პოპულარიზაციას უწევს სტუდენტთა შორის ქართულ ფოლკლორს, თანამედროვე და უცხოურ შემოქმედებას.

მუხლი 7. ორგანიზაციულ უზრუნველყოფის განყოფილება

1. უზრუნველყოფს კულტურული და სპორტულ ღონისძიებებს, სტუდენტური თვითმმართველობასთან ერთად სტუდენტური ღონისძიებების დაგეგმვასა და გამართვას;

2. თავისი კომპეტენციის ფარგლებში ახორციელებს სპორტული და სააქტო დარბაზებით სარგებლობის და ამ დარბაზებში ღონისძიებების ორგანიზების რიგითობის დადგენას;

3. ბავშვთა საფეხბურთო და საკალათბურთო სკოლების, ქართული ცეკვებისა და თანამედროვე ცეკვების სწავლების ორგანიზებისათვის შესაბამისი საქმიანობის წარმოებას;

4. დეპარტამენტისათვის განკუთვნილ ინვენტარზე მატერიალურ პასუხისმგებლობას, სპორტული და კულტურული წრეების საქმიანობის მონიტორინგს;

5. თავისი კომპეტენციის ფარგლებში უზრუნველყოფს უნივერსიტეტის საკალათბურთო კლუბი „ს.კ. თსუ“-ს ფუნქციონირებისათვის აუცილებელი დამფუძნებლის (უნივერსიტეტი) მხრიდან განსახორციელებელი საქმიანობის ორგანიზებას.

6. უნივერსიტეტის სპორტული და კულტურული სფეროს სექციების სრულფასოვანი და გამართული საქმიანობისათვის აუცილებელი რესურსებით უზრუნველყოფის საკითხების ორგანიზებას.

მუხლი 8. დეპარტამენტის რეორგანიზაცია და ლიკვიდაცია

დეპარტამენტის რეორგანიზაცია ან ლიკვიდაცია ხორციელდება საქართველოს კანონმდებლობით დადგენილი წესით.

მუხლი 9. დებულებაში ცვლილებებისა და დამატებების შეტანის წესი

დებულებაში ცვლილებებისა და დამატებების შეტანა ხორციელდება კანონმდებლობით დადგენილი წესით.